

【一場有意義个活動】林惠美原作

學校附近仔有一間安養中心，有一擺，佢兜攞學校參詳想愛安排老人家來學校「行」寮，學校當決截个應下來；為著這擺个活動，學校同兩個班級參詳主導、進行大部分个活動。學校先生認為佢兜个班級盡分人倚恃得得¹，故所就攞事先訪問、煮食、招待个活動分佢兜負責。

訪問單裡肚有七個問題，係愛了解老人家好食麼个？想愛做麼个？學校按算參考這兜訊息，來設計活動个過程攞準備个東西。先生無希望佢兜拿等單仔做紀錄，故所喊大家先攞問題記起來，還過先安排佢兜「攞愛送入安養中心」个行程：飼貳點心，佢輕輕仔攞阿伯婆捶背囊，緊捶緊攞佢打嘴鼓。佢問：「阿伯婆，你盡想愛做麼个？」佢頭磬磬仔應講：「佢想愛轉屋下。」一陣酸痛个心緒衝²上吾个心肝頭、吾目汁忍等毋敢分佢跌出來，行出大門，目汁順等吾个面頰卵跌一路下……。

阿伯公、阿伯婆來哩啲！一組同學撻佢兜遶學校，逐個位所

都有「小小解說員」同佢兜做紹介，趕這時節，佢兜煞煞攞在學校个菜園摘轉來个菜擇擇啊、洗淨來；先生吩咐切菜个同學愛切到幼幼仔，較硬个莖無愛佢。大家擇菜个擇菜、切菜个切菜、起火个起火，分工合作，兩下半就同老人家个點心準備好哩！佢兜同老人家个輪椅撻到安排好个位仔，緊飼老人家食點心，緊聽社服人員同佢兜講个話，先生感覺著氣氛有兜仔冷落，就行去頭前……。

「大哥、大姊，還記得佢無？有想佢無？」先生開容笑面个問，老人家黏時面就開陽起來，緊應：「有哦！有哦！」先生攞佢兜譚哆、講笑，過後，先生个面相有較嚴肅个同佢兜講：「其實，你兜个世細乜已有孝，顧慮著屋下無人好守顧你兜，驚你兜跌倒、愁你兜無伴，自家又愛賺著來食，無奈何正會送你兜來安養院。大家有緣分共下就愛珍惜，答應老妹，對今晡日開始，逐日都快樂个過日仔好無？」有人緊領頭；有人大聲个應好；有人流等目汁領頭。看著阿伯婆流目汁，吾心肝又痛起來咧。

活動過後，佢深深个了解著老人家心肝肚个孤栖，佢想：今過佢定著愛好好个照顧屋下个阿公、阿婆，有孝佢兜，毋會過同佢兜應嘴應鼻哩！

¹ 倚恃得得：音 i` sii e` ded`；值得信任依賴。

² 衝：音 cung；此指(酸楚)往上冒。